

I

— 新默示錄 —

— 全書白話版 —

更貼地・唔離地・香港味

利申：為咗盡量還原對話，內容可能包含潮語同少量粗口

亞歷山大・逸森堡・馮・諾得蘭

特別獻畀香港嘅讀者

二〇二四年六月十號，世界末日降臨，香港玩完……

— 目錄 —

- 第一章 — 困難模式
- 第二章 — 破釜沉舟
- 第三章 — 不死川不死奈
- 第四章 — 掃蕩
- 第五章 — 返家
- 第六章 — 渺小嘅希望

第一章 …… 困難模式

二〇二四年六月十二號，小西灣福華中學

「阿翔…阿翔…」

…邊個叫緊我？

「…醒下…有狀況…」

咩狀況…？

一個巴掌「啪！」一聲噉打咗我塊面度，痛楚驅使之下，我即刻跳咗起身。

「嗯？！」我坐喺地下，身體同冰冷嘅地板之間淨係隔咗一張唔係好厚嘅棉被。環視四周，係一個環境凌亂嘅課室，原本應該係門口嘅地方俾一堆枱凳塞住咗。

課室冇開燈，淨係得畛窗口透入嚟嘅些許光綫。望住唔係幾遠嘅時鐘，而家係朝早七點正。夏天嘅清晨有啲熱，我嘅背脊就喺度流緊汗。

「阿翔！」胡月亭喺我後面叫我，我轉身，見到著住校服嘅佢。佢有大概及肩長嘅黑長直頭髮，末端有紫藍色嘅挑染。據佢本人嘅講法，佢嘅頭髮只要生到嗰個長度就會自動變成嘅嘅色。佢校服嘅裙角有少少撕裂，冇記錯嘅話，應該係幾日前混亂之中俾殭屍搥爛嘅地方。

「你終於醒喇…我哋啲嘢食食曬喇！」大概係因為唔想吵醒仲訓緊覺嘅黃Sir咁？月亭把聲好細：「我書包入面剩返舊麵包咋…」

一切要返返去幾日之前，嗰日係六月八號，星期六，新聞講咗幾單關於俄羅斯平民失控四圍咬人嘅事件。當時大家都唔知咩事，直到第二日，新聞又報導類似嘅咬人事件，但係今次喺法蘭克福機場發生，死咗幾個差佬。成件事似乎就嚴重咗起嚟，一啲失控嘅平民俾人捉到，發現佢哋唔識聽人話，淨係一味嘅攻擊。一啲所謂嘅專家嘗試對佢哋做研究，但乜都查唔出嚟。直到再一日之後，即係六月十號，大概係數學堂？我哋學校嘅警鐘突然好似發癲嘅響，跟住樓下又好似有啲咩騷動，噉出於好奇啦，我哋班就離開咗課室，嚟走廊窗口望落去：我淨係記得當時望到一班成身都係血嘅人爬過學校嘅圍牆，動作僵硬噉行入我哋間學校。之後我哋就聽到樓下傳嚟尖叫，噉呢個時候呢，我哋班就開始恐慌。過咗冇幾耐，嗰啲人就入侵咗六樓，即係我哋嘅樓層，黃Sir就帶我哋返課室。嗰班怪人追住我哋走：混亂之中有人俾佢哋咬：最後，就得返我、月亭同埋黃Sir。噉課室入面。我哋為咗守住呢個課室，就將啲枱凳同書包都搬去道門前面，用呢啲重物塞住佢……

「…阿翔？」月亭打斷咗我嘅思考。

我打咗個「停」嘅手勢：「噉，恐慌係冇用㗎，等我諗下…」

呢兩日，我哋係靠嚟同學書包搵出嚟嘅水同食物嚟生存，通常攞到嘅都係食咗一半嘅三文治或者小食部買返嚟嘅撈麵。噉畢竟係其他人食過嘅嘢，我哋一開始唔敢食，直至我哋食嚟自己帶嘅食物，我先至嘗試去食隔離位嗰條友帶返嚟嘅意粉。非常不幸地，我哋班唔係好多人帶飯，短短兩日，我哋三條友每日食三餐，就已經食曬成個班房嘅嘢食。

「都已經過咗兩日喇，斷估就有可能指望到嘅其他課室搵到新鮮又安全嘅嘢食。畢竟呢啲食物係室溫擺咗咁耐，細菌一早就大量增生。」我就噉樣分析：「另外，點離開呢間房都係一個問題…」

「黃Sir，起身！」我行埋去仲喺度馴覺嘅黃Sir面前，搖醒佢。

「啊…」黃Sir爬起身：「而家幾點？」

「七點…黃Sir，我哋就嚟冇嘢食喇，繼續喺度浪費時間會出事㗎…」我解釋：「有冇啲咩橋啊？」

黃Sir慢吞吞噉戴上佢副眼鏡，又整理身上灰藍色嘅中山服，跟住話：「你哋冷靜，食物嘅話呢…」佢一路講，一路行埋去排燈掣度。

佢撇著咗個掣，但冇任何反應，間房都係咁黑。佢又嘗試撇其他掣，課室都係冇任何變化。

「…唔通…！」我諗到一個可能性，就去檢查隔夜充緊電嘅手機，見到手機嘅電量維持喺34%，又有顯示充電的通知：「果然…睇嚟係停咗電。」另外，我仲發現到另一件事，手機似乎收唔到網絡？

黃Sir低頭思考咗一陣，突然，佢抬返起頭，欲言又止。

「你想講咩？」我天性心急，就追問。

「…冇嘢，我唔小心向咗最壞嘅可能性去諗，」黃Sir解釋：「唔想令你哋恐慌。」

「冇嘢嘅，講啦！」月亭都追問。

黃Sir猶豫咗好耐，最後，佢放棄咗思考：「好…首先，你哋知唔知發電廠發電需要啲咩條件？」

「條件？係咪燃料啊？」我答。

「正確，噉燃料係點嚟嘅呢？」

「…噉礦井掘出嚟？」

「正確，但香港本身係冇呢啲資源嘅，所以要靠進口。」黃Sir解釋：「噉講到進口呢，當然就需要有人操控貨船火車。」

「…卽係話…」我即刻明白咗成件事…

「係噉…另外，發電廠都需要有人操作先可以發電，所以…香港啲發電廠應該已經全部淪陷囉…南丫島、大嶼山同埋新界應該都已經俾殭屍佔領囉。」黃Sir續繼講：「發電廠冇人，街道又危險到運送唔到燃料，當然就全市停電喇。」

「——停電嘅影響不止係咁…你部手機係唔係收唔到訊號？」

我搖頭。

「你回想一下中三科學堂，仲記唔記得咩係全內反射？當時我有同你哋淺談光纖電纜嘅運作原理：光纖嘅一端會有發射裝置（通常係發光二極體或者激光）將光脈衝傳送到條光纖入面，光纖另一端嘅接收裝置就用光敏元件檢測脈衝。」

「——我上面講嘅動作必須用電，既然全城停電，噉就有可能會有網絡畀你用。另外，香港嘅水管係噉地

底㗎，冇辦法靠引力將水輸送到各家各戶，必須有水泵先可以提供足夠嘅水壓。既然而家全城停電，噉我哋就唔使指望有水用。」

黃Sir嘅解釋令我哋意識到成件事嘅嚴重性——冇咗電，就代表我哋用唔到電器同埋幫手機充電，甚至開唔到燈；冇咗網絡，就等同於失去咗同外界聯系嘅方式，求救唔到；冇咗乾淨嘅水源，我哋就連最基本嘅生理需求都滿足唔到…

「…噉點算好？」月亭問。

「事到如今，我哋已經唔使指望發電廠可以繼續function落去。」黃Sir就講：「但係，好彩我哋間學校其實有一套太陽能發電系統，佢嘅控制室喺八樓，即係學校天台。呢套系統目前係未turn on嘅，如果我哋有辦法突破重圍到達個機房，打開總掣嘅話，太陽能電板就可以為成間學校提供有限嘅電。」

「噉嘅話，電的確係有咗，噉應該就可以擺嚟煲水，但係：食物又點算？」我問。

「我哋學校咪有間canteen嘅？啲飯係喺canteen嘅廚房處理嘅，入面除咗煤氣爐之外仲有幾部電磁爐同埋電子炸爐。」黃Sir話：「當然都有雪房啦：只要我哋有電，就可以用雪房長時間儲存食物，仲可以用電磁爐煮嘢食。」

月亭聽到「煮飯」，對眼好似喺度發緊光，噉講：「我識煮飯㗎！我絕對幫到手！」

喺初步整理完現有情報之後，我哋即刻就開始討論。

首先，要到八樓，我哋需要睇呢度——即係六樓行兩層樓梯——我知道呢個係廢話。不過而家嘅問題係，我哋學校周圍都係殭屍，想係唔俾佢哋發現嘅情況之下安全抵達機房係冇乜可能。又噉講喇，我哋甚至唔知呢班殭屍係咪 united，假如我哋俾佢哋發現，佢哋會唔會成村人衝曬過嚟？

為咗防止一出去就送死，我哋諗到利用課室入面嘅枱凳，每個人都揸住一張凳，背靠背形成一個圓形，邊度有殭屍嚟，就用張凳掙開。當然啦，如果啲殭屍好大力嘅話，噉我哋就係去送死喇。我哋完全諗唔出任何後備計劃之類嘅嘢，所以呢次可以講係破釜沉舟。噉我哋啲嘢食都已經食曬，再留落去咪都係死路一條？噉仲不如死得痛快啲。

武器方面嘅討論告一段落，下一步係路綫：

我哋間學校有三條樓梯，一條係走廊嘅呢邊，另一條係對面，第三條叫做「中梯」，係係走廊中段。黃 Sir 嘅提議如下：離開課室之後，求其揀一條梯繼續我哋嘅「wonderful trip」。每一條梯都可以到八樓，有可能其中一條梯得好少殭屍，都有可能每條都咁鬼多，呢個係我哋決定唔到嘅嘢。總之呢，條路一決定好，就要即刻跑去八樓，絕對唔可以返轉頭。到咗八樓之後，我哋解決曬啲邊嘅所有殭屍，等個 area 安全之後，就撤著部發電機。

到呢一步，我哋基本上就完成咗要做嘅嘢。下一步，我提議去七樓。

七樓係我哋學校價值最高嘅樓層之一，飯堂、校園電視台、圖書館、科學實驗室、電腦室係曬七樓。七樓

絕對有好多有用嘅嘢，只要我哋成功佔領嚟度，封鎖前往六樓嘅樓梯，殭屍就入唔到七樓同八樓。有電，有資源，有廚房，我哋就可以暫時鬆一口氣，慢慢研究清除學校入面所有殭屍嘅方法。

我哋嘅計劃雖然係急就章，並唔係好完美，但飢餓同短缺嘅資源唔允許我哋更詳細嘅計劃。至少，我哋目標明確，有呢個就好足夠。

我哋開始執嘢，準備出發……

第二章……破釜沉舟

第三章……不死川不死奈